



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentariolus De Arte Apodemica, Sev Vera Peregrinandi Ratione

Pyrckmair, Hilarius

Ingolstadii, 1577

VD16 P 5423

Ad eundem Principem Acclamatio.

urn:nbn:de:hbz:466:1-30372

Ad eundem Principem

Acclamatio.

M. IOANNIS ENGERDI P. L.
ac Poëtices apud Ingolstadienses
Professoris.

AC veluti Aeneas Troianis exul ab oris
Littora deseruit patriæ, multosq; per annos
Erravit, multum & terris iactatus & alto:
In Latium donec, sedes ubi fata quietas
Monstrârunt, non ignarus tamen malorum.
Venit, & Augusto Troianum sanguine tandem
Nomen in astra ferens, patriam gentemq; togatam
Condidit, & placida compostus pace quieuit.

Sic nos Christicolæ, Cæli quibus annuit arcem
Ipse Deus, Mundo hoc per tot discrimina rerum,
Per varios casus, ærumnososq; labores
Tendimus in regnum, cui nos seruamus, Olympi:
Hic domus, hæc patria est: etenim qui terminus arcti
Orbe peregrinæ nobis conceditur æui
Vita fugax, iter est per tot Cyclopea saxa,
Per Mundi scopulos, Scyllâ, vastamq; Charybdin.
Viuimus interea, sedes mutare parati,
Et quo quisq; modo fugiatq; feratq; labores

Exul

Exul in his terris, ut cœli regia demum
Accipiat sese, nos sancta oracula Diuûm
Sanctorumq; docent imitanda exempla parentum.

Cætera, si terras lustrare atq; extera regna
Nos iuuat, aut magnis metiri classibus æquor,
Fata monent, paucisq; viam benè certus eundi
Expedit HILARIVS: moniti meliora sequemur.
Huc ergo ô ERNESTE veni, lux tertia fratris
BOIVGENVM, mores Italos expertus et vrbes,
Hunc etiã HILARI clemens decurre laborem,
Dum namq; incensos ardenti laudis amore
Inflammas, magis atq; magis tua gloria crescet.